

皇  
明  
制  
書

皇明制書

撫保定等府提督叅將等關都察院右副都御史張鹵校刊

洪武禮制卷之二

進賀禮儀

一凡

天壽聖節正旦冬至在京文武百官行朝賀  
禮在外衙門先期拜表稱賀至期前  
一日文武官於本衙門內齋沐宿歇  
至日於所在大衙門內會同文武官

具服告

天祝壽行禮。

一凡遇

天壽聖節。在外五品以上衙門。止進表文一通。正旦冬至拜進。

上位表文。中宮箋文。

皇太子箋文。各一通。在外各王府。拜各布政司。各道按察司。及直隸府州表箋。俱各差官齎進禮部。各州表箋進於

各府各府進於布政司其餘五品以上衙門隸布政司者亦進於布政司布政司差官類進禮部其各都司及直隸衛所差官齎進五軍都督府各處守禦指揮使司及守禦千戶所進于都指揮使司都指揮使司差官類進五軍都督府至日禮部官以各處所進表箋目通類奏

聞。

一凡表箋止作散文。不許循習四六舊體。務要言詞典雅。不犯應合迴避凶惡字樣。仍用硃筆圈點句讀。表用黃紙。箋用紅紙爲函。外用夾板夾護。拜進。並依見行儀式。

一凡進

上位表箋及一應文字。若有

御名

廟諱。合依古二名不偏諱。嫌名不諱。若有

二字相連者。必須迴避。寫字之際。不  
必缺其點畫。

一凡在外衙門進賀表箋。前期一日。結  
綵於公廨及街衢。文武官各齋沐於  
本衙門內宿歇。其日清晨。設龍亭于  
庭中。設儀仗于庭外。露臺上之東西。  
設鼓樂于露臺南之東西。止向設衣  
箋案于龍亭前。設香案于衣箋案前。  
設進表箋官位于龍亭之東。鼓初嚴。

各官具服。鼓次嚴。引禮引班首具服。  
詣香案前。滌印用印訖。以表箋置於  
案。班首退於幕次。鼓三嚴。各官入班。  
贊禮唱班齊。鞠躬。樂作四拜。平身。樂  
止。唱進表。引禮引班首由東階陞詣  
香案前。贊跪。傳贊衆官皆跪。唱搢笏。  
班首搢笏。執事者以表箋跪授班首。  
班首跪接。進表箋官進表箋。官跪受。  
表箋置龍亭中。贊內外官俯伏興。班

首復位。贊禮唱鞠躬。樂作四拜。平身。  
樂止。唱搢笏。鞠躬。三舞蹈。跪山呼者。  
三唱出笏。俯伏興。樂作四拜。平身。樂  
止。金鼓儀伏。鼓樂百官具服。前導進  
表箋官。在龍亭後。靠東行至郊外。置  
龍亭南。向儀伏。鼓樂東列。如前儀文。  
武官東西侍立。班首取表箋。授進表  
官。進表官就於馬上受表。即行。百官  
以次退。



出使禮儀

一凡使者欽齋

詔書至

王府至王城門外一里遠下馬。隨龍亭由中門靠東邊入龍亭至殿中。使者立於殿外東序西向候行禮畢。使者見王行四拜禮。

一凡使者欽齋

詔書至各處開讀預期一日報知本處官司

照依已降儀式迎接行禮。使者到郊外下馬。候龍亭到來。

親捧

詔書置龍亭中。使者立於龍亭之東。本處官具服行五拜禮訖。衆官前導。使者上馬。在龍亭後東邊行。至衙門下馬。隨龍亭後。由中門入。至廳上。立於龍亭之東。候衆官四拜訖。使者取

詔授開讀人。開讀人跪受。使者復立位。所宣

讀訖

開讀人捧

詔接使者。使者復置龍亭中。候衆官行禮畢。  
本處官便服。與使者於後廳行禮。使  
者居東。本處官居西。俱各拜。

一 凡使者欽齋

勅符丹符到處。多係幾密重事。不許先期報  
知。亦不許本處官司迎接。若與衆官  
直至本衙門開看。置

勅符於案。使者立於案東。衆官四拜。使者取  
宣讀訖。

符復置於案。衆官再行四拜禮畢。本處官遂與使者行禮。若與一兩人止於本家接符。從便置放。使者以

符授本官。本官叩頭開看。禮畢。乃與使者行禮。

### 一凡遇

詔赦經過。道路官員軍民人等。即於道傍俯伏候

詔赦過畢方起。

一凡出使在外如遇

詔赦到各處出迎郊外與本處官一同隨班行五拜三叩頭禮有職者隨品序列無職差使人便服隨具服班之後不許攙越行禮畢同本處官導龍亭至衙門中隨大班依上項班次行。

一凡行人開讀

詔赦宴會則與本處正官並坐位在東席其餘公差行人之類在外不許預坐官

照品級序列。

一凡出使官員及行人公差在外如遇  
旦節朝賀有職者隨品序列無職差  
使人便服隨具服班之後不許撓越  
一同大班行禮若係賁

詔勅使臣則於月臺上先行五拜三叩頭禮退  
一凡行人奉

旨公差在外與本處官列東西坐行人居東  
如在州縣則居中靠東坐非特

旨差使賫各衙門印信公文止許投下公文  
隨即入館不許在廳與在職官列坐  
一凡致仕官或因病及年高在賢者凡  
遇節慶赴所在衙門一同行禮老者  
筋力衰微少者疾妨動止不在此例

詔勅出使人員隨班圖

有品從者具朝服依班以  
行禮無品從者便服

品品品品品品品品

使者

人班

一二三四五六七八九行

文班











祭祀禮儀

禮部照得

聖朝開國以來。設立各布政司府州縣。

社稷風雲雷雨山川等壇。原定行禮獻官。

以守禦武官為初獻。文官為亞終獻。

洪武十四年七月初二日。欽奉

聖旨。節該今後各布政司府州縣祭祀。只教

各處文職長官一員。行三獻禮。武官

不與祭。欽此。切以官有職掌。禮貴誠。

一。有司春告秋報。為民祈福。文官職在事神治民。武官職掌兵戎務。專捍禦。古之刑官。尚不使與祭。而况兵又為刑之大者乎。以此欽依。不令武官與祭。所以嚴事神之道。而達幽明之交也。今定儀式頒布天下。有司宜遵守毋忽。

社稷

府州縣同

壇制東西二丈五尺。南北二丈五尺。高

三尺。俱用官造尺。

四出陞各三級壇下前十二丈或九丈五尺。東西南各五丈。繚以周墻。四門紅油。由北門入。

石主長二尺五寸。方一尺。埋於壇南正中。去壇二尺五寸止。露圓尖餘埋土中。

神號

各市政司寓治之所。建係市政司官致祭。亦台稱府社。府稷。

府稱府社之神。府稷之神。

州稱州社之神。州稷之神。

縣稱縣社之神。縣稷之神。

神牌二。以木為之。硃漆青字。身高二尺二

寸。闊四寸五分。厚九分。座高四寸五

分。闊八寸五分。厚四寸五分。臨祭設於壇上。

以棲卓盛饌。祭畢載之。

### 房屋

神厨三間。用過梁通連。深二丈四尺。中一間闊一丈五

尺九寸。傍兩間每間闊一丈二尺五寸。

鍋五口。每口二尺五寸。

庫房間架與神厨同內用墜不通連

宰牲房三間深二丈二尺五寸。三間通連中一門一丈七尺五

寸九分。旁二門各門一丈。於中一間正中鑿宰牲小池長七尺深二尺闊三尺

磚砌四面。安頭木案於上。宰牲血水聚於池內。祭畢檐去人用蓋房門用鎖。

宰牲房前舊有水池者仍舊制。不必更改。無者不必二池。止於井內取水。

滌牲桶四隻寬大可容牲

祝板以木為之。白紙寫文粘其上。祭畢焚之。

祝文

維洪武 年歲次 某月 朔 日



某官某等敢昭告于

某社之神。

某稷之神。曰品物資生。烝民乃粒。養育之

功。司土是賴。維茲仲

春

禮宜

告祀謹

以牲帛醴齊粢盛庶品。式陳明薦。尚

享

祭器

牲匣四。以木為之。硃漆底。蓋各高六寸。  
長三尺三寸。闊二尺二寸。蓋兩頭用銅。

環三箇底兩傍用銅環四箇

案卓

神牌案二高一尺一寸闊一尺九寸長三尺三寸

邊豆簠簋案四高一尺一寸闊一尺九寸長三尺三寸

牲匣案四高六寸闊二尺四寸長三尺五寸

祝案一高一尺一寸闊一尺九寸長三

尺三寸

酒罇案一高二尺七寸五分闊一尺五寸長五尺

卓面刻三孔仍用木板一片橫裝於刻孔之下以盛酒尊

爵帛案一高二尺七寸五分闊二尺三寸長三尺

遷豆簠簋俱用瓷櫟

簠簋櫟稍大

下尊三用瓷尊每尊用蓋布巾一酌酒

杓一

爵六用窰爵

銅一用窰椀

香爐二設於壇之左右

盥洗

尊一用窰甕 酌水杓一

盆一錫銅甕隨用 帨巾一

案一高二尺七寸五分闊二尺三寸長

三尺

祭物

羊一 豕一 帛一黑各丈八 長釧一盛和羹

籩四 棗 栗 鹽 藁魚

豆四 韭菹 醯醢舊陶 菁菹

康醢或用麋

簠二 黍 稷

簋二 稻 粱

祭期每歲仲春仲秋上戊日

獻官各布政司及府州縣凡遇祭祀隨處

但長官一員行三獻禮餘官止陪祭  
武官並不預祭

儀注

齋戒

正祭前三日獻官并陪祭官執事人等沐浴更衣散齋二日各宿別室致齋一日同宿祭所散齋仍理事務惟不飲酒不食葱韭蒜薤不吊喪問疾不聽樂不行刑不判署刑殺文字不預穢

惡事致齋惟理事祭事

省牲

正祭前一日執事者設香案於宰牲房  
外贊引引獻官常服詣省牲所贊省牲  
執事者牽牲於香案前過贊引贊省牲  
畢遂烹牲以毛血少許盛餘盤其餘毛  
血以淨器盛貯祭畢理之其牲須要連  
皮煮熟供祭

陳設

前殿執事掃除壇之上下并設獻官幕

次於中門外執事者依圖式陳設

正祭

其日清晨執事者各實籩豆酒尊等器

并滌爵

結祭獻官免滌

獻官具祭服簋祝板于

幕以執事者置祝于案置帛于篚取毛

血盤置神位前牲案下將行禮執事者

以牲匣盛牲置於案未啓蓋通贊唱執

事者各就位唱陪祭官各就位唱獻官

就位贊引引獻官入就位通贊唱瘞毛



血執事者以毛血瘞於坎遂啓牲匣蓋

迎神

通贊唱迎神鞠躬拜興拜興拜興  
平身獻官陪祭官皆四拜興平身

奠帛行初獻禮

通贊唱奠帛行初獻禮捧帛者捧帛執  
爵者執爵以俟贊禮唱詣盥洗所引禮  
引獻官至盥洗所贊拊笏執事酌水進  
巾獻官盥手悅手

盥手悅手不贊

贊出笏獻官

出笏贊詣酒尊所。贊司尊者舉帛酌酒。  
執事者各以爵受酒。贊詣其社神位前。  
引獻官詣神位前。贊跪播笏。獻官跪播  
笏。捧帛者跪進於獻官之右。獻官受帛。  
贊獻帛。以獻官授執事者。奠於案。執爵者進  
於獻官之右。獻官受爵。贊獻爵。獻官獻  
爵。以爵授執事者。奠於神位前。凡進帛  
爵皆在獻官之右。奠帛奠爵皆在獻官之左。贊出笏。獻官出笏。  
贊俯伏與平身。獻官俯伏與平身。贊詣

某稷神位前。同上替詣讀祝位。獻官詣  
讀祝位。贊跪。獻官跪。贊讀祝。讀祝者取  
祝跪。讀於獻官之左。畢興。置祝於案。贊  
俯伏興。平身。獻官俯伏興。平身。贊復位。

### 亞獻

通贊唱行亞獻禮。贊引引獻官詣酒尊  
所。贊司尊者舉。烹酌酒。執事者各以爵  
受酒。贊詣某社神位前。引獻官詣神位  
前。贊跪。搢笏。獻官跪。搢笏。執爵者跪進。

爵於獻官之右。獻官受爵。贊獻爵。獻官  
獻爵。以爵授執事者。奠於神位前。贊出  
笏。獻官出笏。贊俯伏。興平身。獻官俯伏。  
興平身。贊詣某稷神位前。同上贊俯伏。  
興平身。獻官俯伏。興平身。贊復位。  
終獻同亞獻儀。

飲福受胙。

通贊唱飲福受胙。執事者設飲福位於  
壇之中。稍北。執事者先於社神前取羊。

一脚置於盤。執事者於酒尊所酌酒一爵立俟於飲福位之右。贊引請獻官詣飲福位。贊跪播笏。獻官跪播笏。執事者以爵跪進於獻官之右。獻官受爵。贊飲福酒。獻官飲訖。以虛爵授執事者。執事者跪受爵於獻官之左。以退。贊進胙。執事者以胙跪進於獻官之右。獻官受胙。以胙授執事者。執事者跪受於獻官之左。捧由中道出。贊出笏。獻官出笏。贊俯

伏興平身。獻官俯伏興平身。贊復位。贊兩拜。獻官陪祭官皆兩拜。

徹饌

通贊唱徹饌。執事者各詣神位前。以籩豆稍移動。

送神

通贊唱送神。贊鞠躬拜興拜興拜興拜興平身。獻官陪祭官皆四拜興平身。

望瘞

通贊唱讀祝官捧祝進帛官捧帛各詣  
瘞所獻官陪祭官移身分東西立俟捧  
祝帛者由中道過獻官拜位通贊唱望  
瘞贊引贊詣望瘞位引獻官至望瘞位  
執事以祝帛焚於坎中將畢以土實坎  
贊引通贊同唱禮畢

風雲雷雨山川城隍之神

凡各布政司府州縣春秋仲月上旬擇  
日同壇祭設三神位風雲雷雨居中

山川居左。城隍居右。若府州縣則無

某州某縣城隍之神某府風雲雷雨帛

曰山川帛二。城隍帛一。俱白色。附郭

府州縣官止。隨班行禮。不必別祭。其

祭祀祭器獻官。及齋戒省牲陳設。正

祭迎神。並與社但臨祭時。執事者先

以毛血瘞於坎。通贊不唱奠帛初獻。

先詣風雲雷雨神位前。次詣山川神

位前。次詣城隍神位前。次詣讀祝所。



亞獻終獻同初獻。不謂奠飲福受胙。

其胙於風雲雷雨神位前取羊一脚。

徹饌送神望燎。亦同社。假饌。但

祝文

維洪武 年 月 日

某官某等敢昭告於

風雲雷雨之神。

某府州縣境內山川之神。

某府州縣城隍之神。曰惟

神妙用神機生育萬物奠我民房  
足我民食某等欽承

上命


我守方面布政司用  
承取茲土府州縣用今當春秋謹具牲醴

庶品用伸常祭尚 享


牆周以繚

在壇之西

神厨




宰牲房




池水



房庫





南

東

西

獻官位



陪祭官位

陪祭官位

座

北

# 陳設圖



善	韭	稻	黍	鹽	棗
茹	茹				
鹿	鹿	梁	稷	栗	栗

善	韭	稻	黍	鹽	棗
茹	茹				
鹿	鹿	梁	稷	栗	栗

承


羊

承

羊

祝

風雲雷雨山川城隍壇陳設並與社稷同



嶽鎮海瀆帝王陵廟

凡五嶽五鎮四海四瀆及帝王陵廟已

取勘定擬致祭去處所在官司以春

秋仲月上旬擇日致祭近布政司官致

祭近府州縣官致祭者各用帛一五嶽五鎮

四海各隨方色四瀆用黑色帝王陵

廟用白色其牲物祭器儀注並與社

稷同但獻官奠爵訖就讀祀惟案毛

其四海四瀆祀帛俱

其四海中毛血仍瘞之

禮文

五嶽

如東嶽則稱曰東嶽泰山之神  
西嶽華山南嶽衡山北嶽恒山

中嶽嵩山

皆位此

惟

神靈待方嶽鍾秀厚。祗主司生民。其  
功允大。時維仲秋。謹具牲醴庶品。用

伸常祭尚 享

五鎮

如東鎮則稱東鎮沂山之神  
西鎮會稽南鎮霍山之神  
餘皆倣此

惟



神鍾秀崇高。一方巨鎮。封表有年。功  
著民社。時維仲春。謹具牲醴。庶品用  
伸常祭。尚 享

四海

如東海則稱曰東海之坤  
西海南海北海皆倣此。

惟

神靈鍾坎德。萬水所宗。功利深廣。溥  
濟斯民。時維仲秋。謹具牲醴。庶品用  
伸常祭。尚 享

四瀆

如淮瀆則稱東瀆大淮之神倣此。  
大河南瀆大江北瀆大濟皆倣此。

惟

神鍾德靈長發源成溪潤澤所加導  
利民物時維仲春謹具牲醴庶品用  
伸常祭尚享

歷代帝王陵寢

惟

某帝王功加當時德垂後世陵寢所  
在仰止益虔時維仲春謹具牲醴庶  
品用伸杞禮尚享

守禦官祭旗燹

文官不預祭

凡各處守禦官俱於公廨後築臺立旗

燹廟設重牙六燹神位春祭用驚蟄

日秋祭用霜降日祭物用羊一豕一

帛一白紙祝一香燭酒果先與各官

齋戒一日至日守禦長官武服行二

獻禮若出師則取旗燹以祭班師則

仍置於廟儀注與社稷同

但瘞毛血望燎與風

雲雷雨等神同

祭文

惟

神正直無私。指麾軍士。勦揚威武。皆  
伏神功。某等欽承

上命。守禦茲土。惟茲仲繼。謹以牲醴庶品。用  
伸常祭。尚享

以上各項祭祀壇廟。宰牲房屋。牲帛  
日期。並依已定制。度合用牲匣籩豆  
簋尊爵盥洗等器。並如社稷壇議

制成造

但案卓用高卓

祭厲

凡各府州縣每歲春清明日。秋七月十五日。冬十月一日。祭無祀鬼神。其壇設於城北郊間。府州名郡厲縣名邑厲祭。物牲用羊三。豕三。飯米三石。香燭酒紙隨用。

儀注

先期三日。主祭官齋沐更衣。

用常服。

備香燭酒菓。詣本處城隍發告文。通  
贊者贊鞠躬。拜興。拜興。平身。詣神位  
前。跪進爵獻爵奠爵。俯伏興。平身。復  
位。鞠躬拜興。拜興。平身。焚告文。禮畢。  
至日設城隍位於壇上。祭物用羊一。豕  
一。設無祀鬼神牌於壇下左右。如府  
則目  
木府境內祭物用羊二。豕二。解置於  
無祀鬼神器同羹飯等。鋪設各鬼神位前。執事  
者陳設畢。通贊者唱執事者各就位。

陪祭官各就位。主祭官就位。鞠躬。拜興。拜興。拜興。平身。請神位前。跪三獻酒。俯伏。興。平身。復位。讀祭文。訖。鞠躬。拜興。拜興。拜興。平身。以祭文同紙焚訖。贊禮畢。

# 祭文

府州縣同

維洪武 年 月 日某官某遵承禮部劄付。為祭祀本府闔境無祀鬼神等衆事。該欽奉

皇帝聖旨。普天之下。后土之上。無不有人。無  
不有鬼神。人鬼之道。幽明雖殊。其理  
則一。故天下之廣。兆民之衆。必立君  
以主之。君總其大。又設官分職於府  
州縣。以各長之。各府州縣。又於每一  
百戶內。設一里長。以細領之。上下之  
職。綱紀不紊。此治人之法如此。一作明

### 天子祭

天地神祇。及天下山川。王國各府州縣。祭境。



內山川及祀典神祇庶民祭其祖先。及里社土穀之神。上下之禮各有等第。此事神之道如此。尚念冥冥之中。無祀鬼神。昔為生民未知何故而歿。其間有遭兵刃而橫傷者。有死於水火盜賊者。有被人取財而逼死者。有被人強奪妻妾而死者。有遭刑禍而負屈死者。有天災流行而疫死者。有為猛獸毒蟲所害者。有為饑餓凍死。

者。有因戰鬪而殞身者。有因危急而  
自縊者。有因墻屋傾頽而壓死者。有  
死後無子孫者。此等鬼魂。或終於前  
代。或歿於近世。或兵戈擾攘。流移於  
他鄉。或人煙斷絕。久缺其祭祀。姓名  
泯沒於一時。祀典無聞而不載。此等  
孤魂死無所依。精魂未散。結為陰靈。  
或倚草附木。或作為妖恠。悲號於星  
月之下。呻吟於風雨之時。詩中一凡遇

人間節令。心思陽世。冤杳杳以無歸。身隨沉淪。意懸懸而望祭。興言及此。憐其慘悽。故勅天下有司。依時享祭。在京都。有泰厲之祭。在王國。有國厲之祭。在各府州。有郡厲之祭。在各縣。有邑厲之祭。在一里。又各有鄉厲之祭。期於神依人而血食。人敬神而知禮。仍命本處城隍。以主此祭。欽奉如此。今某等不敢有違。謹設壇於城北。

以三月清明日。七月十五日。十月一  
日。置備牲醴羹飯。專祭本府闔境無  
祀鬼神等衆靈。其不昧來享此祭。凡  
我一府境內人民。儻有忤逆不孝。不  
敬六親者。有奸盜詐偽。不畏公法者。  
有拗曲作直。欺壓良善者。有躲避差  
徭。靠損貧戶者。似此頑惡奸邪不良  
之徒。神必報於城隍。發露其事。使遭  
官府。輕則笞決杖斷。不得號為良民。

重則徙流絞斬。不得生還鄉里。若事  
未發露。必遭陰譴。使舉家並染瘟疫。  
六畜田蠶不利。如有孝順父母。和睦  
親族。畏懼官府。遵守禮法。不作非為。  
良善正直之人。神必達之。

城隍陰加護佑。使其家道安和。農事  
順序。父母妻子。保守鄉里。我等闔府  
官吏人等。如有上欺

朝廷。下枉良善。貪財作弊。嘉政害民者。靈

必無私一體昭報如此則鬼神有鑒  
察之明官府非諂諛之祭尚享

告城隍文

某府遵承

禮部劄付為祭祀本府無祀鬼神事  
該欽奉

皇帝聖旨普天之下后土之上無不有人無  
不有鬼神人鬼之道幽明雖殊其理  
則一今國家治民事神已有定制尚念

冥冥之中。無祀鬼神。昔為生民未知

何故而歿。其間有遭兵刃。

云與前存云川縣祭

文興言及此。憐其慘悽。故勅天下有

司依時享祭。命本處城隍。以主此祭。

鎮控壇場。監察諸鬼等類。其中果有

生為良善。誤遭刑禍。死於無辜者。神

當達於所司。使之還生中國。來享太

平之福。如有素為冤頑。身死刑憲。雖

獲善終。亦出僥倖者。神當達於所司。

屏之四裔。善惡之報。神必無私。欽奉  
如此。今某等不敢有違。謹於 年  
月 日。於城北設壇。置備牲醴羹飯。  
享祭本府無祀鬼神等衆。然幽明異  
境。人力難為。必資神力。庶得感通。今  
特移文于

神先期分遣諸將。召集本府國境鬼  
靈等衆。至日悉赴壇所。普享一祭。  
神當欽承



勅命鎮控壇場。鑒察善惡。無私昭報。為此合  
行牒請。照驗欽依施行。

里社

凡各處鄉村人民。每里一百戶。內立壇  
一所。祀五土五穀之神。專為祈禱。兩  
賜時若。五穀豐登。每歲一戶輪當會。  
首常川潔淨壇場。遇春秋二社。預期  
率辦祭物。至日約聚祭祀。其祭用一  
羊一豕。酒果香燭紙隨用。祭畢就行。

會。飲會中先令一人讀勸強扶弱之誓。其詞曰。凡我同里之人。各遵守禮法。毋恃力凌弱。違者先共制之。然後經官。或貧無可贍。周給其家。三年不立。不使與會。其婚姻喪葬有乏。隨力相助。若不從衆。及犯姦盜詐偽。一切非為之人。並不許入會。讀誓詞畢。長幼以次就坐。盡歡而退。務在恭敬神明。和睦鄉里。以厚風俗。

儀注八

前祭一日。會首及預祭之人。各齋戒。一日。會首先遣執事人。掃除壇所。為  
壅坎於壇所之西北。方深取足容物。  
會首洗滌廚房。鑊器以淨。室為饌所。  
至晚宰牲。執事者以磔取毛血。與祭  
器俱置於饌所。祭器用瓦器祭日未明。執  
事者於厨中烹牲。設五土五穀神位  
於壇上。五土居東。五穀居西。設讀祝

所於壇上居間設會首拜位於壇下  
中間俱南向設預祭人位於其後設  
引禮及諸執事人位又於其後執事  
者於饌所實祭物於碟內解牲體置  
於二俎置酒於尊書祝文於紙祭物  
既備執事者各捧設於神位前燃香  
明燭自會首以下各服常服盥手入  
就拜位立定執事者執壺於尊中取  
酒立於五土神位之左引禮者唱鞠

躬拜興拜興平身會首以下皆鞠躬  
拜興拜興平身執事者取毛血瘞於  
坎中引禮引會首詣五土神位前唱  
跪會首詣五土神位前跪舉盃執事  
者斟酒引禮唱三祭酒會首三祭酒  
訖引禮唱俯伏興平身執壺者詣五  
穀神位之左引禮引會首詣五穀神  
位前唱跪會首詣五穀神位前跪舉  
盃執壺者斟酒引禮唱三祭酒會首

三祭酒訖引禮唱俯伏興平身會首  
俯伏興平身引禮唱就讀祝位讀祝  
者取祝立於讀祝位之左會首詣讀  
祝所引禮唱跪會首跪唱讀祝讀祝  
者跪讀祝訖興置祝於案引禮唱俯  
伏興平身會首俯伏興平身引禮唱  
復位會首復位引禮唱鞠躬拜興拜  
興平身會首以下皆鞠躬拜興拜興  
平身執事者徹祭物讀祝者取祝文

焚瘞於坎所禮畢行會飲讀誓文禮

祝文

維洪武 年 月 日

某府某州某縣某鄉某里某人等謹  
致祭於

五土之神。

五穀之神。曰惟

神參贊造化發育萬物。凡我庶民悉  
賴生植時維仲春東作方與謹具牲

醴恭伸新告伏願雨暘時若五穀豐登官賦足供民食充裕神其鑒之尚

享

鄉厲

凡各鄉村每里一百戶內立壇一所祭無祀鬼神專祈禱民庶安康孳畜蕃盛每歲三祭春清明日秋七月十五日冬十月一日祭物牲酒隨鄉俗置辦其輪流會首及祭畢會飲讀誓等



儀與祭里社同

祭文

某縣某鄉某村某里某社里長某又  
承本縣官裁旨該欽奉

皇帝聖旨普天之下。后土之上無不有人無

不有鬼神。人鬼之道幽明雖殊。其理

則一。故天下之廣

云與前府州同欽奉

如此。今某等不敢有違。謹設壇於本  
里。以三月清明日七月十五月一

日率領某人等。百家聯名。于此置備  
羹飯肴物。祭于本里無祀鬼神等衆。  
靈其不昧。依期來享。凡我一里之中。  
百家之內。倘有忤逆不孝。不敬六親  
者。有姦盜詐偽。云與前府同。喪其家  
道安和。農事順序。父母妻子。保守鄉  
里。如此則鬼神有鑒察之明。我民無  
諂諛之祭。靈其無私。永垂昭格。尚

享

祭告城隍文

某府某縣某鄉某村某里里長某人  
率領某里人民某人等聯名謹具狀  
告于

本縣城隍之神。今來某等承奉  
縣官裁旨。遵依

上司所行。為祭祀本鄉無祀鬼神事。  
該欽奉

皇帝聖旨。晉天之下。右土之上。無不有入。無

不有鬼神。人鬼之道。幽明雖殊。其理則一。今國家治民事神。已有定制。尚念冥冥之中。有等不在祀典之神。不得血食之鬼。魂無所依。私顯靈恠。悲號於星月之下。呻吟於風雨之時。憐其慘悽。故勅天下有司。依時祭享。鄉村里社。一年三祭。仍命禮請本處城隍。以主此祭。鎮控壇場。監察諸鬼等類。其中果有生為良善。誤遭刑禍。死

於無辜者。神必達於所司。使之還生。中國來享太平之福。如有生為冤惡。身死刑憲。雖獲善終。出於僥倖者。神必屏之四裔。善惡之報。神必無私。欽奉如此。今某等不敢有違。欽依於某年某月某日。就本里設壇。謹備羹飯肴物。祭享于本鄉無祀神鬼等衆。然幽明異境。人力難為。必資神力。庶得感通。今特虔誠告于

神。先期分遣諸將。遍歷所在。招集本里鬼靈等衆。至日悉赴壇所受祭神。當欽承。

勅命。鎮控壇場。鑒察善惡。無私昭報。為此謹具狀告。

本縣城隍之神。俯垂

照鑒。謹狀。

服色

一 文武官朝服

凡文武官朝見服梁冠。赤羅衣。白紗中單。俱用青飾領。綠赤羅裳。青綠赤羅蔽膝。大帶用赤白二色絹革帶。佩綬白襪黑履。一品至九品俱以冠上梁數帶綬分等第。

一品

冠八梁。加籠巾。貂蟬。

封公者服之。

冠七梁加籠巾貂蟬

封侯者服之

已上革帶與佩俱用玉綬綠黃赤紫四色絲織成雲鳳四色花錦下結青絲網綬環二用玉笏用牙笏

二品

冠六梁革帶綬環用犀餘同一品

三品

冠五梁革帶用金佩用玉綬用黃綠赤紫四色絲織成雲鶴花錦下結青



絲網綬環二用金笏用象牙。

四品

冠四梁。佩用藥玉餘並同。

五品

冠三梁。革帶用銀鑲金。佩用萊玉。綬用黃綠赤紫四色絲織成盤鵬花錦。下結青網。綬環二用銀鑲金。笏用牙。

六品七品

御史定上  
加飾參

冠二梁。革帶用銀。佩用萊玉。綬用黃

正才令  
卷二  
四  
絲赤三色。絲織成練鵲花錦。下結青  
絲網。綬環二用銀。笏用槐木。

八品九品

冠一梁。革帶用銅。佩用茱萸。綬用黃  
絲二色。絲織成鷄鵲花錦。下結青絲  
網。綬環二用銅。笏用槐木。

一文武官陪祭服

凡文武官一品至九品。青羅衣。白紗  
中單。俱用皂領緣。赤羅裳。皂緣。赤羅

蔽漆方心曲領。其冠帶佩綬等第並同朝服。

一凡各處雜職未入流品人員。若遇朝賀。進表箋陪班行禮。止用烏紗帽圓領衫黑角束帶。

一凡文武官常朝視事。以烏紗帽圓領衫束帶為公服。一品玉帶。二品花犀帶。三品金釵花帶。四品素金帶。五品銀釵花帶。六品七品素銀帶。八品

九品烏角帶。

一凡年老致仕及侍親辭閑官員許用紗帽束帶。若為事黜降者服與庶人同。

一凡官員人等衣服不得用玄黃紫三等顏色。其餘青綠緋碧及淺淡顏色聽從穿着。其朝參官員四時並用顏色衣服不純素。

文武階勳

文職

正一品

初授特進榮祿大夫

陞授特進先祿大夫

加贈特進光祿大夫上柱國

從一品

初授榮祿大夫

陞授光祿大夫

加贈光祿大夫柱國

正二品

初授資善大夫 陞授資政大夫

加贈資德大夫正治上卿

從二品

初授中奉大夫 陞授通奉大夫

加贈正奉大夫正治卿

正三品

初授嘉議大夫 陞授通議大夫

加贈正議大夫資治尹

從三品

初授亞中大夫 陞授中大夫

加贈太中大夫資治少尹

正四品

初授中順大夫 陞授中憲大夫

加贈中議大夫贊治尹

從四品

初授朝列大夫 陞授朝議大夫

加贈朝請大夫贊治少尹

正五品

初授奉議大夫 陞授奉政大夫

加職奉政大夫修正庶尹

從五品

初授奉訓大夫 陞授奉直大夫

加職奉直大夫協正庶尹

正六品

初授承直郎 陞授承德郎

從六品



初授承務郎 陞授儒林郎 儒出身

宣德郎 吏役材幹等出身

正七品

初授承事郎 陞授文林郎 儒出身

宣義郎 吏役材幹等出身

從七品

初授從仕郎 陞授徵事郎

正八品

初授迪功郎 陞授修職郎

從八品

初授迪功佐郎 陞授修職佐郎

正九品

初授將仕郎 陞授登仕郎

從九品

初授將仕佐郎 陞授登仕佐郎

武職

正一品

初授特進榮祿大夫

陞授特進光祿大夫

加贈特進光祿大夫上柱國

從一品

初授榮祿大夫 陞授光祿大夫

加贈光祿大夫柱國

正二品

初授驃騎將軍 陞授金吾將軍

加贈龍虎將軍上護軍

從二品

初授鎮國將軍 陞授定國將軍

加贈奉國將軍護軍

正三品

初授昭勇將軍 陞授昭毅將軍

加贈昭武將軍上輕車都尉

從三品

初授懷遠將軍 陞授定遠將軍

加贈安遠將軍輕車都尉

正四品

初授明威將軍 陞授宣威將軍

加贈廣威將軍上騎都尉

從四品

初授宣威將軍 陞授顯武將軍

加贈信武將軍騎都尉

正五品

初授武德將軍 陞授武節將軍

加贈武節將軍驍騎尉

從五品

初授武畧將軍 陞授武毅將軍

加後贈武毅將軍飛騎尉

正六品

初授昭信校尉 陞授承信校尉

加後贈承信校尉雲騎尉

從六品

初授忠顯校尉 陞授忠武校尉

加後贈忠武校尉武騎尉

正七品

初授忠翊校尉 陞授忠勇校尉

從七品

初授敦武校尉 陞授修武校尉

正八品

初授進義校尉 陞授保義校尉

從八品

初授進義副尉 陞授保義副尉

給授文職散官定式

初授

白身入伶

雜職初入流

任內未經初考遷調改除改除陞等有罪及闕茸不稱職貶降者量才任用降等不係貶降者

考覈平常

陞授

初考稱職

任內已經初考遷調改除仍係本等品級者



任內已得陞授未經再考遷調改除  
仍係本等品級者

加授

兩考六年後事蹟顯著者

加贈

照依生前事蹟當得加授者

凡白身入仕并雜職初入流者與對品  
初授散官任內歷俸三年初考稱職  
與陞授散官又歷三年再考功蹟顯

著方與加授散官若考覈平常者止  
與初授。其任內未經初考遷調改  
除者仍照見授職事與初授散官已  
經初考合得陞授遷調改除仍係本  
等品級者與陞授散官若陞等者止  
與對品初授。或有已得陞授未經  
再考遷調改除仍係本等品級者仍  
照見授職事與陞授散官已經再考  
合得加授遷調改除仍係本等品級

者與加授散官。若陞等者止與對品  
初授。其有先曾歷仕二品三品等  
職今次降用。若係有罪及闕茸不稱  
職貶降者。照依見授職事與初授散  
官。若量才任用。不係貶降。但今授職  
事。比與原授降等。其原授散官。

誥命仍舊者。亦照見授職事。與對品初授散  
官。俱於三年之後。照例陞授。其加  
贈一節。考驗本人生前功蹟。合得加

授者照例給與。

吏員資格

一凡內外有出身吏員俱以三年為滿  
給由止據見歷俸月不許通理

正七品出身

五軍都督府提控

從七品出身

五軍都督府掾史

六部都吏

正八品出身

六部令史

從八品出身

五軍都督府知印

正九品出身

五軍都督府典史

六部知印

在外二品衙門令史

在京三品衙門令史

從九品出身

六部典史

在外二品衙門知印

在外各衛令史

察院書吏

在外三品衙門書吏

諫院書吏

雜職出身在京三品衙門典吏

內府倉庫司局吏攢

在外二品衙門典吏

內外四品衙門司吏

一凡內外無出身吏員亦

三年為滿

陞轉

五品六品衙門司吏在外三品內外四品衙門典吏滿日於四品衙門司吏在京三品在外二品衙門典吏內陞轉無缺給由。如是軍吏不在此限。

七品衙門司吏五品六品衙門典吏滿日於五品衙門司吏內陞轉無缺給由。八品以下衙門吏攢七品衙門典吏滿日於六品七品衙門司吏內陞轉無

缺給由。

在京各倉庫局關塲所等衙門吏攢滿日與五品六品衙門司吏同。

奏啓本格式

某衙門某官臣姓某等謹

奏為某事備由。云云今將原發事由照行事

理備細開坐謹具奏

聞。

某事。云云緣由畢。



前件事理議擬依某律科斷施行

某事云緣由畢

前件云伏候

勅旨

如程有勾問戴官或支撥錢之類則依此式寫

已上某字起至其字止計字若干

右謹奏

聞如一事奏請則於此下寫伏候

勅旨謹奏

洪武年印月日某衙門某官臣

姓某 某官臣姓某

年月日下止列見在某官臣姓某名。  
不得於背後書字。或有差故缺員者。  
不必列銜

某衙門某官臣姓某謹

奏為雨澤事。據某人狀呈洪武幾年幾月  
幾日某時幾刻下雨至某時幾刻止。  
入土幾分。謹具奏

聞

已上為兩澤字起至入土幾  
分止計字若干箇紙幾張

右謹奏

聞

洪武年 月 日 列銜如前式

勅

啓字寫作  
令旨餘皆同此式。但奏字寫作啓字。若有請則

行移體式

在京

一五軍都督府照會六部劄付各都指

揮指使司。承宣布政使司。并金吾前  
後羽林左右虎賁左府軍衛。及府軍  
左右前後十衛經歷司。各護衛經歷  
司。各外衛指揮使司。提刑按察司。應  
天府各長史司。兵馬指揮司。守禦千  
戶所。其察院磨勘司。凡有事務。各府  
經歷司。令典吏抄案。本司呈府施行。  
事畢經歷司回牒。監察御史并磨勘  
司。

一六部咨呈五軍都督府平咨各都指揮使司。照會承宣布政使司。劄付太常司。欽天監。太醫院。翰林院。光祿司。太僕寺。提刑按察司。應天府。鹽運司。各外衛指揮使司。金吾前後羽林左右虎賁左府軍衛府軍前後左右十衛經歷司。各護衛經歷司。直隸府州各長史司。兵馬指揮司。國子學典簿。其察院事務六部都吏赴院抄案磨。

勘司事務六部令史赴司抄案呈部  
施行事畢主事四牒監察御史并磨  
勘司

金吾前後羽林左右虎賁左并府軍  
衛府軍左右前後十衛俱係經歷司  
呈五軍都督府并六部各布政司平  
關各外衛并提刑按察司及在京三  
品衙門故牒兵馬指揮司其察院事  
務各衛經歷司令典史抄案本司呈

衛磨勘司事務各衛令史抄案呈衛  
施行事畢經歷司回關監察御史并  
磨勘司

一在京并直隸各外衛指揮使司申五  
軍都督府呈六部平關各衛并提刑  
按察司及在京三品衙門故牒兵馬  
指揮司其察院磨勘司事務俱係令  
史抄案呈衛施行事畢經歷司回關  
監察御史并磨勘司

一太常司欽天監太醫院翰林院光祿  
司太僕寺呈部平關提刑按察司并  
三品衙門其察院磨勘司事務俱係  
令史抄案呈本衙門施行事畢首領  
官回報監察御史并磨勘司品級相  
等者平關七品以下者牒上四報

一國子學凡有行移本學典簿呈六部  
平關應天府其察院事務典簿抄案  
呈學磨勘司事務令史抄案呈學施



行事畢典簿牒呈監察御史磨勘司。  
一應天府申五軍都督府呈六部。牒呈  
各都指揮使司。布政使司。平關提刑  
按察司。并國子學。故牒在外各府。兵  
馬指揮司。帖下州縣。其察院磨勘司  
事務。本府令史抄案呈府施行。事畢  
經歷司牒呈監察御史磨勘司。  
一察院故牒各道提刑按察司經歷司。  
其磨勘司事務。察院書吏赴司抄案。

呈院施行。事畢監察御史回關磨勘司。

一兵馬指揮司。申五軍都督府六部。牒呈金吾羽林府軍等衛。并各外衛指揮使司。應天府。牒上在外各府。平關各州。帖下各縣。其察院事務。本司首領官。抄案呈司施行。事畢本司回牒監察御史。

在外

一各都指揮使司。呈五軍都督府。平咨  
六部各布政使司。照會提刑按察司。  
故牒各衛。并護衛指揮使司。應天府。  
劄付長史司各府州。

一各處承宣布政使司。呈五軍都督府。  
咨呈六部。平咨各都指揮使司。照會  
提刑按察司。應天府。劄付金吾羽林  
府軍等十衛經歷司。長史司。并所屬  
鹽運司各府州。

一各護衛指揮使司。凡有事務行移。本  
衛經歷司轉呈五軍都督府六部。并  
長史司平關提刑按察司。并內外三  
品衙門及各衛故牒各府。帖下州縣  
所屬千百戶所。

一各外衛指揮使司。申五軍都督府。呈  
六部。牒呈都指揮使司。平關提刑按  
察司。故牒各府。帖下州縣。并所屬千  
百戶所。

一各道提刑按察司呈五軍都督府六部牒呈都司布政司平開在京三品衙門并在外各衛指揮使司鹽運司故牒在內四品衙門及在外各府長史司帖下內外五品至七品衙門其察院事務本司經歷司牒呈回報一各鹽運司申六部呈各布政使司平開按察司并三品衙門故牒各府帖下州縣

一直隸各府申六部在外各府申都指揮使司布政使司牒呈按察司各衛并護衛指揮使司鹽運司牒長史司故牒守禦千戶所兵馬指揮司帖下所屬各州縣。

一各府長史司呈五軍都督府六部及各布政使司都指揮使司牒呈提刑按察司牒各府帖下各護衛經歷司故牒審理所。

一各處守禦千戶所直隸申五軍都督府。在外申都揮使司。呈各衛牒呈按察司。牒上各府。故牒各州。帖下各縣所屬百戶。

一直隸各州申六部。在外各州直隸布政司。統屬申本司。係各府所屬。止申本府。并按察司各衛。并護衛指揮使司。平關兵馬指揮使司。帖下屬縣。一各縣申府。并按察司各衛。并護衛指

揮使司。及在京兵馬指揮司。若係各州所屬申州故牒倉庫稅課司局。遞運河泊所驛埧等雜職衙門。

一各處倉庫司獄巡檢稅課司局。遞運河泊所驛埧等雜職衙門。申府如內有各州所屬州俱牒呈各縣。各處雜職衙門往復平。



署押體式

照會式

某軍都督府為某事。云合行照會。可照  
驗施行。須至照會者。

照會某部

洪武年印月 日

某事

照會

左都督押

同知都督押

僉都督押

右都督押

同知都督押

僉都督押

六部照會各布政司同

照會尚書押

侍郎押

都指揮使司照會按察司文移同

照會都指揮使押

各布政使司照會按察司同

左布政使押 左叅政押 左叅議押  
照會

右布政使押 右叅政押 右叅議押

咨呈式

某部為某事。云合行咨呈。伏請

照驗施行。須至咨呈者。

右 咨 呈

某軍都督府

洪武年月 日尚書姓押 侍郎姓押

各布政使司咨呈六部文移同

左布政使姓名押 左叅政姓名押 左叅議姓名押

洪武年月日

右布政使姓名押 右叅政姓名押 右叅議姓名押

平咨式

某部為某事。云合行移咨。請

照驗施行。須至咨者。

右 咨

某都指揮使司

洪武年印月日

某事

咨尚書押

侍郎押

都指揮使司咨各處文移同

咨都指揮使押

各布政使司咨各處文移同

咨

左布政使押 左叅政押 左叅議押  
右布政使押 右叅政押 右叅議押

劄付式

某軍都督府為某事<sub>云</sub>合下仰照驗<sub>云</sub>  
須至劄付者

右劄付某衛指揮使司准此

洪武年<sub>印</sub>月日

某事

劄付

左都督押 同知都督押 僉都督押  
右都督押 同知都督押 僉都督押  
六部劄付各衙門文移同

劄付尚書押

侍郎押

各都指揮使司劄付各衙門文移同

劄付都指揮使押

各布政使司劄付所屬衙門文移同

劄付

左布政使押 左叅政押 左叅議押

右布政使押 右叅政押 右叅議押

呈狀式

某衛親軍指揮使司經歷司承奉

本衛某文爲某事云奉此合行具呈伏  
照驗施行須至呈者

右 呈

某軍都督府

洪武 年印月 日經歷姓名 知事姓名

某事

各護衛經歷司呈各衙門文移同

應天府爲某事云合行具呈



照驗施行須至呈者

右呈

某部

洪武年<sub>印</sub>月日府姓<sub>印</sub>名府丞姓<sub>印</sub>名治姓<sub>印</sub>名

通判姓名  
推官姓名

某事

太常司欽天監太醫院翰林院光祿

司太僕寺呈部文移同

提刑按察司呈五軍都督府六部文

移同

洪武年中月日按察使姓名 副使姓名 僉事姓名

某事

各都司布政使司呈五軍都督府外  
衛呈六部鹽運司

呈布政司守禦千戶所呈各衛同  
長史司呈都府六部等衙門文移同  
洪武年中月日長史姓名

某事

申狀式

某府為某事。云合行申覆伏乞

照驗施行。須至申者。

右 申

某處承宣布使司

洪武年月日知府姓名同知姓名通判姓名推官姓名  
某事

直隸府州申六部在外府州中都司

應天府申五軍都督府同

各外衛指揮使司申五軍都督府監

運司申部文移同

洪武

年

月日指揮使姓名

同知姓名

僉事姓名

兵馬指揮司申都府六部同

守禦千戶所申都府都指揮使司文

移同

洪武

年

月日正千戶姓名

副千戶姓名

各州申府按察司各衛等衙門文移同

洪武

年

月日知州姓名

同知姓名判官姓名

各縣申府州等衙門文移同

洪武

其年

年

月

日

知縣姓名

縣丞姓名

主簿姓名

典史姓名

司獄姓名

司庫姓名

司廩姓名

司皂姓名

平關式

其衛親軍指揮使司為某事云合行移

關請

照驗施行須至關者

右

關

某衛指揮使司

洪武年月日

某事

關指揮使押

同知押

僉事押

同知押

僉事押

各府平關各衙門文移同

關知府押

同知押

推官押

通判押

各州平關各衙門文移同

關知州押

同知押

判官押

各縣平關各衙門文移同

縣丞押

關知縣押

主簿押

牒呈式

某府為某事云合行牒呈伏請

照驗施行須至牒呈者

右 牒 呈

某處提刑按察司

洪武年印月日知府姓名押同知姓名押通判姓名押推官姓名押

應天府牒呈都司布政司各府牒呈

各衛指揮使司鹽運司兵馬指揮司  
牒呈各衛指揮使司應天府同

按察司牒呈都指揮使司布政使司  
文移同

洪武年<sub>中</sub>月日按察使<sub>署押</sub>副使姓名押 僉事姓名押

長史司及守禦千戶所牒呈按察司  
應天府經歷司國子學典簿牒呈察  
院磨勘司同

平牒式



某府長史司。為某事。云各行移牒請  
照驗施行。須至牒者。

右 牒

某 府

洪武其事年印月 日

牒長史押

各府牒長史司文移同

牒上式

某處守禦千戶所為某事。云云合行牒上。  
照驗施行。須至牒者。

右牒上

某府

洪武年其事甲月日

牒正千戶押

副千戶押

副千戶押

兵馬指揮司牒上各外府同

故牒式

某衛指揮使司為某事云合行故牒可  
照驗施行須至牒者。

右故牒

某府

洪武年 月 日

牒指揮使押

同知押 僉事押  
同知押 僉事押

都指揮使司故牒各衛及應天府鹽  
運司故牒各府應天府故牒外府并

兵馬指揮司同

下帖式

某府為某事云云合下仰照驗云云須至帖者

右帖下某縣准此

洪武某年年印月日

帖知府押

同知押

推官押

通判押

某州為某事云云合下仰照驗云云須至帖者

右帖下某縣准此

洪武

其事

年

印

月

日

帖知州押

同知押

判官押

官吏俸祿

官員歲支祿米

正一品

祿米一千石

俸鈔一百貫

從一品

祿米八百五十石

俸鈔八十五貫

正二品

祿米七百石

俸鈔七十貫

從二品

祿米五百五十石

俸鈔五十五貫

正三品

祿米四百石

俸鈔四十貫

從三品

祿米三百石

俸鈔三十貫

正四品

祿米二百七十石 俸鈔二十七貫

從四品

祿米二百四十石 俸鈔二十四貫

正五品

祿米一百八十石 俸鈔一十八貫

從五品

祿米一百六十石 俸鈔一十六貫

正六品

祿米一百石 俸鈔一十貫

從六品

祿米九十石

俸鈔九貫

正七品

祿米八十石

俸鈔八貫

從七品

祿米七十五石

俸鈔七貫五百文

正八品

祿米七十石

俸鈔七貫

從八品



祿米六十五石

俸鈔六貫伍百文

正九品

祿米六十石

俸鈔六貫

從九品

祿米五十石

俸鈔五貫

雜職

月支俸米

提控案牘吏目典史司

各關倉庫

并稅課等司批驗鐵冶所大使月

支三石副使二石五斗

欽天監禽官并各長史司引禮舍人

月支三石

各群群長月支三石群副二石五斗

國子學掌饌月支三石

州學正實授月支二石五斗

縣學教諭府州縣學訓導實授月

二石

河泊所官月支二石

開興官并教坊司和聲郎月支一石

五斗

行人司行人月支一石二斗

欽依長住俸

各處巡檢 遞運所官 驛丞

吏員

月支俸米

二石五斗

五軍都督府提控 六部都吏

各布政使司道吏

二石二斗

五軍都督府掾史 六部令史

各都指揮使司令史

各布政使司令史

一石

通政司太常司太醫院欽天監翰林  
國史院光祿司太僕寺各衛應天府  
令史各道按察司鹽運司磨勘司察

院書吏國子學寶鈔提舉司各府司

一石五斗

五軍都督府知印 六部知印

各都指揮使司知印

各布政使司知印

一石二斗

五軍都督府典吏 六部典吏

各都指揮使司典吏

各布政使司典吏

各都指揮使司承差

各布政使司承差

各長史司各州高寶司儀鸞司都府  
斷事官各千戶所 衛鎮撫鹽課  
提舉司司吏

一石

通政司太常司太醫院欽天監光祿  
司太僕寺各道按察司鹽運司寶  
鈔提舉司各衛國子學應天府典史

各道按察司鹽運司承差

光祿司各署司吏

供奉司兵馬指揮司都指揮司斷事  
司司吏

審理工正奉祠典寶紀善良醫典儀  
典膳所司吏 殿廷儀禮司司吏  
各布政司理問所司吏

儀衛司司仗典仗各牧監各群司吏  
京縣并各縣司吏鋪長

各百戶所并所鎮撫司吏

太常司祠祭署典牧所欽天監司曆  
龍江提舉司會同館判祿司司吏  
諫院書吏 城門郎茶鹽馬司司吏  
內府寶鈔承運廣積甲乙丙丁戊字庫司  
吏攢典

尚染針工皮作司牧司菜蔬料局兵  
仗司尚佩監司吏 磨勘司典吏  
紙印鈔局勅惠民局阜民司司吏



生藥庫攢典 軍器鑄印鞍轡局

雜造寶源局司吏司庫在外雜造寶

泉等局司吏

龍江石灰山關司吏

孳牧孳生所司吏

龍江抽分竹木局攢典

八斗

各長史司都府斷事官儀鸞司典吏

月支食米六斗

光祿司各署典吏

典牧孳牧所典吏

審理工正奉祠紀善典寶典儀良醫  
典膳孳生各所典吏

雜造寶源鞍轡抄紙印鈔等局典吏  
各牧監典吏 各處司獄司獄典  
上元江寧縣典吏

批驗茶引所攢典

都稅司并龍江稅課司司攢典

兵馬指揮司典吏

大軍龍江石灰山倉攢典

龍江聚寶門宣課司太平門稅課司

司吏攢典

龍江鹽倉檢校批驗所攢典

城門郎典吏

軍儲一倉至二十倉攢典

各長史司廣有等倉攢典

不與俸并食米吏典

在外倉庫攢典

各處稅課司局吏攢

各處通運所批驗所司吏并開墾吏

理刑所典吏

各都司斷事司典吏

在外府州縣典吏